

經注箋卷第十四

漢 桑 欽撰

後魏酈道元 注

明 李長庚訂

孫汝澄

朱謀埠箋

李克家全校

濕餘水

沽水

鮑丘水

濡水

遼水

小遼水

沮水

濕餘水出上谷居庸關東

關在沮陽城東南六十里居庸界故關名矣使者

入上谷耿沈

當作况

迎之於居庸關即是關也

古哀云漢祖

水經注箋

卷十四

云更始初立遣使者徇諸國曰先降者復爵位上谷太守耿况出迎使者上印綬

其水導

源關山南流歷故關下谿之東岸有石室三層其

戶牖扇扉悉石也蓋古關之候臺矣南則絕谷累

石為關址崇墉峻壁非輕功可舉山岫層深側道

褊峽林鄣據嶮

古本作林鄣遠嶮蓋遂險之譌吳本改為據嶮誤也

路才容

軌。饒禽。暮獸。寒鳴。相和。羈官。遊子。聆之者莫不傷

思矣。其水歷山南逕軍都縣界又謂之軍都關續

漢書曰尚書盧植隱上谷軍都山也其水南流出

關謂之下口水流潛伏十許里是也

又東流過軍都縣南又東流過薊縣北

非實鳴
言說不出
相和之妙

濕餘水故瀆東逕軍都縣故城南又東重源潛發

積而為潭謂之濕餘潭又東流易荆水注之其水

導源西北逕千蓼泉亦曰丁蓼水東南流逕郁山

西謂之易荆水公孫瓚之敗于鮑丘也走保易荆

疑岨此水也范曄漢書魏義政公孫瓚破之於鮑丘瓚遂保易京開置屯田續漢志云

瓚所居易京故城在今幽州歸義縣南十八里魏志瓚傳亦云瓚軍數敗乃走還易京固守此云易

荆正同但易荆水又東左合虎眼泉水出平川東

南流入易荆水又東南與孤山之水合水發川左

導源孤山東南流入易荆水謂之塔界水又東逕

薊城又東逕平昌縣故城南又謂之昌平水魏氏

水經注箋

卷十四

二

土地記曰薊城東北一百四十里有昌平城城西

有昌平河又東北注濕餘水濕餘水又東南流左

右芹城水謝云宋本正作水出北山南逕芹城又

古本作水東南流注濕餘水濕餘水又東南流逕安樂

故城西更始使謁者韓鴻北徇承制拜吳漢為安

樂令即此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣

濕餘水於縣西南東入沽河故地理志曰濕餘水

自軍都縣東至潞南入沽是也

清河從塞外來

沽河出禦夷鎮西北九十里丹花嶺下東南流大谷水注之水發鎮北大谷谿西南流逕獨石北界石孤生不因河而自峙又南九泉水注之水導北川左右翼注入川共成一水故有九源之稱其水南流至獨石注大谷水大谷水又南逕獨石西又南逕禦夷鎮城西魏太和中置以捍北狄也又東南尖谷水注之水源出鎮城東北尖谿西南流逕鎮城東西南流注大谷水亂流南注沽水又南出峽岍有二城世謂之獨固門以其藉嶮憑固易為

水經注箋

卷十四

依居

宋本作依據
埠疑作依據

兼壁昇聳疎通若門故得是名

也沽水又南左合乾谿水引北川西南逕一故亭

東又西南注沽水沽水又西南逕赤城東趙建武

年并州刺史王霸為燕所敗退保此城城在山阜

之上下抗深隍谿水之名藉以變稱故河有赤地

之號矣

赤地當
作赤城

沽水又東南與鵲谷水合有二源

南即陽樂水也出且居縣

孫云漢志且居
縣有樂陽水

地理志

曰水出縣東北流逕大融山小融山

宋本作大
融小融

北

歷女祁縣故城南地理志曰東部都尉治王莽之

祁縣也世謂之橫水又謂之陽曲河又東南逕一

故亭又東左與舊鹵水合水之疑出西北山東南

流逕舊鹵城北城在居庸縣西北二百里故名云

侯鹵孫云侯鹵當作侯鹵太和中更名禦夷鎮又東南流注

陽樂水陽樂水又東南逕傍狼山南山石一作色

特上亭亭孤立超出羣山之表又東南逕溫泉東

泉在山曲之中又逕赤城西屈逕其城南東南入

赤城河河水又東南右合高峰水水出高峰戍東

南城在山上其水西南流又屈而東南入沽水沽

水又西南流出山逕漁陽縣故城西而南合七度

水水出北山黃頌谷故亦謂之黃頌水東南流注

水經注箋

卷十四

于沽水沽水又南漁水注之水出縣東南平地泉

流西逕漁陽縣故城南考諸地說則無聞所識釋

謝云識釋疑誤考地尋川則有應氏謝云疑有脫誤自今城在斯

水之陽有符應說漁陽之名當屬此秦發閭左戍

漁陽卽是城也漁陽又西南入沽水又南與螺山

之水合水出漁陽城南小山魏氏土地記曰城南

五里有螺山其水西南入沽水沽水又南逕安樂

縣故城東晉書地道記曰晉封劉禪爲公國俗謂

之西路水也

南過漁陽狐奴縣北西南與濕餘水合爲沽河

沽水西南流逕狐奴山西又南逕狐奴縣故城西
漁陽太守張堪於縣開稻田教民植種當作種植百姓
得以殷富童謠歌曰桑無附枝麥秀兩岐張君爲
政樂不可支視事八年匈奴不敢犯塞沽水又南
陽重溝水注之出狐奴山南轉逕狐奴城南王莽
之所謂舉符也側城南注右會沽水沽水又南濕
餘水注之沽水又南左會鮑丘水世所謂東潞也
沽水又南逕潞縣爲有潞名潞河也魏氏土地記
曰城西三十里有潞河也

又東南至雍奴縣西笥溝

水經注箋

卷十四

五

濕水入焉俗謂之合口也又東鮑丘水於縣西北
而東出焉

又東南至泉州縣與清河合東入于海清河者派河
尾也

沽河又東南逕泉州縣故城東王莽之泉調也沽
水又東南合清河也今無水清湛漳洹寇易涑濡
沽虓池當作滹沱同歸于海故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之
大榆河又南逕鎮東南九十里西密雲戍西又南

左合道人谿水水北川南流逕孔山西又歷密雲

戍東左合孟廣喇水水出喇下喇甚增峻孫云增峻當作

峻峨峨冠衆山之表其水西逕孔山南上有洞穴

開明故土俗以孔山流稱喇水又西南至密雲戍

東西注通當作人水亂流逕密雲戍城南右會大

榆河有東密雲故是城言西矣大榆河又東南流

白楊泉水注之北發白楊谿望雖疑右注大榆河

又東南龍芻谿水自決注之大榆河又東南峽逕

安州舊漁陽郡之滑鹽縣南左合縣之北谿水水

出縣北廣長塹南太和中掘此以防北狄其水南

水經注箋 卷十四 六

流逕滑鹽縣故城東王莽更名匡德也漢明帝改

曰鹽田右承治世謂之斛鹽城西北去禦夷鎮二

百里南注鮑丘水又南逕虢溪縣故城東古本作南逕虎

縣故城按漢書地理志漁陽郡有虜王莽更之曰敦

德也鮑丘水又西南逕獮平縣故城東王莽之所

謂平獮也又南合三城水水出四里山西逕三城

獮四里山古本作曰里山此處誤謂之二城水又

逕香陘山上悉生橐本香世故名焉又西逕石窟

南窟內寬廣行者依焉窟內有水淵而不流栖薄

者取給焉又西北逕伏陵山南與石門水合水出

伏凌山山高峻巖鄣寒深陰崖積雪凝冰夏結事
同離騷峨峨之詠故世人因以名山也水西南流
注之是有桑谷之名蓋汭出桑谿故也又西南
逕獮平城東南而右注鮑丘水鮑丘水東南逕漁
陽郡治也秦始皇二十二年置王莽更名通路縣
曰得漁地理志王莽名漁陽縣曰得魚縣路縣曰通路亭鮑丘水又西南
流公孫瓚既害劉虞烏丸思劉氏之德迎其子和
合衆十萬破瓚於是水之上斬首一萬鮑丘水又
西南歷狐奴城東又西南流注之于沽河亂流而
南

水經注箋

卷十四

七

又南過潞縣西

鮑丘水入潞通得鮑丘之稱矣高粱水注又當作

首受濕水於戾陵堰水北有梁山山有燕刺王旦
之陵故以戾陵名堰水自堰枝分東逕梁山南又

東北逕劉靖碑北碑云碑云宋本魏使持節都督

河北道諸軍事征北將軍建城鄉侯沛國劉靖字

文恭登梁山以觀源流相際相際疑作以度形勢

嘉武安之通渠美秦民之殷富乃使帳下督丁鴻

軍士千人以嘉平二年立遏遏當作下河洛陽

水積石於水道高粱河造戾陵遏開車箱渠其遏

隱字是公不書
行五股一在言
疑作相濕水
度形勢

表云高梁河水者出自并州黃河之別源時長岍

峻固直截中流積石籠以為主遏高一丈東西長

三十丈南北廣七十餘步依北岍立水門門廣四

丈立水水下脫塌十丈山川宋本作暴戾則乘遏

東下平流守常則自門地宋本作入灌田歲二千

頃凡所封地百餘萬畝至景元三年辛酉詔書以

民食轉廣陸廢不贍遣謁者樊晨更制水門限田

千頃刻地四千三百一十六頃出給郡縣改定田

五千九百三十頃水流乘車箱渠自薊西北逕昌

平東盡漁陽潞縣凡所潤合宋本作四五百里所灌

水經注箋

卷十四

田萬有餘頃高下孔濟原隰底平疏之斯溉決之

斯散導渠口以為濤門灑漑池以為甘澤施加於

當時敷被于後世晉元康四年君少子驍騎將軍

平鄉侯弘受命使持節監幽州諸軍事領護烏丸

校尉寧朔將軍遏立積三十六載至五年夏六月

洪水暴出毀損四分之三乘謝云乘宋本作刺孫

洪水方割北岍七十餘丈上渠車箱所在漫溢追

惟前立遏之勳親臨山川指授規畧命司馬關內

侯逢憚內外將士二千人起長岸立石渠修立遏

治水門門廣四丈立水疑脫一五尺興復載利通

孫說

塞之宜準遵舊制凡用功四萬有餘焉諸部王侯不召而自至疑脫一事者蓋數千人詩載

經始勿亟易稱民忘其勞斯之謂乎於是二府文

武之士感秦國思鄭渠之績魏人置豹祀之義乃

遐慕仁政追述成功元康五年十月十一日刊石

立表以紀勳烈并記遏制度未為後式焉事見其

碑辭又東南流薊縣北又東至潞縣注于鮑丘之

水又南逕潞縣故城西王莽之通潞亭也漢光武

遣吳漢耿弇等破銅馬五幡於潞東謂是縣也屬

而東南流逕潞城南世祖拜彭寵為漁陽太守治

水經注箋

卷十四

此寵叛光武遣游擊將軍鄧隆伐之軍於是水之

南光武策其必敗果為寵所破遺壁故壘存焉鮑

丘水又東南入夏澤澤南紆曲渚一十餘里北佩

謙澤眇望無限也

謝云謙澤一作謙澤無限疑作無限

又南至雍奴縣北屈東入于海

鮑丘水自雍奴縣故城西北舊分笥溝水東出合

笥溝斷衆川東注混同一瀆東逕其縣北又東與

洵河合水出右北平無終縣西山白楊谷西北流

逕平谷縣屈西南流獨樂水入焉水出北抱犢固

南逕平谷縣故城東後漢建武元年光武遣十二

將追大槍五幡及平谷大破之於是縣也袁宏漢紀云

光武遣吳漢率耿弇陳俊馬武等十二將軍追戰於潞東及平谷大破之其水南流入

于洵洵水又東舊本無東字左合盤山水水出山上其

山峻嶮人跡罕交去山三十許里望山上水可高

二十餘里素湍皓然頽波歷谿汭流而下自西北

轉注于洵水洵水又東南逕平谷縣故城東南與

洳河會水出北山山在灑奚縣古本作虎溪縣乃灑奚之譌故

城東南東南流逕博陸故城北又屈逕其城東世

謂之平陸城非也漢武帝封宋本無封字壘書封大司

馬霍光為侯國文穎曰博大陸平取其嘉名而無

水經注箋 卷十四 十 良

其縣食邑北海河東薛瓚曰按漁陽有博陸城謂

此也今其宋本居山之陽處平陸之上匝帶川流

而據四水文氏所謂無縣目宋本嘉美名也洳水

又東南流逕平谷縣故城西而東南流注于渠洵

河洵河又南逕緱城東而南合五百溝水水出七

山北東逕平谷縣之緱城南東入于洵河洵河又

東南逕臨河城北屈而歷其城東側城南出竹書

紀年梁惠成王十六年齊師及燕戰于洵水齊師

遜卽是水也洵水又南入鮑丘水又東合泉州渠

口故瀆上承宰池水於泉州縣故以泉州為名北

河間以枯中
田子春

逕泉州縣東又北逕雍奴縣東西去雍奴故城一
百二十里自虜池一作滹沱北入其下歷水澤一百八

十里入鮑丘河謂之泉州口陳壽魏志曰曹太

以蹋頓擾邊公將征之從洵口鑿渠逕雍奴泉

以通河海者也合當作無水鮑丘水又東庾水注

之水出右北平徐無縣北塞中而南流歷徐無山

得黑牛谷水又得沙谷水並西出山東流注庾水

昔田子秦避難居之衆至五千家于秦當作子秦

字于秦北平無終人避公孫瓚之難遂入徐無山中營深險平敞地而居百姓歸之數年間至五千家

餘開山圖曰山出不炭當作之木生火之石案注

水經注箋

卷十四

當作注云其木色黑似炭而無葉有石赤色如丹以

一石相磨則火發以然無火可以終身謝云宋本

以終身今則無之其水又逕徐無縣故城東王

莽之北順亭魏氏土地記曰右北平城東北一百

一十里有徐無城其水又西南與周盧溪水合水

出徐無山東南流注庾水庾疑脫又西南流灑

水注之水出右北平俊靡縣王莽之俊麻也世謂

之車輦水又東南流與溫泉水合水出北山溪即

溫源也養疾者不能澡其炎漂以其過灼故魏氏

土地記曰徐無城東有溫湯即此也其水南流百

步便伏流入于地下水盛則通注灑水又東南逕石門峽山之高嶄絕壁立洞開俗謂之石門口漢中平四年漁陽張純反殺右北平太守劉政遼東大守陽紘中平五年與中郎將孟溢率公孫純討宋本作率公孫瓚討純戰于石門大破之灑水又東南流謂之比黃水又屈而為南黃水又西南逕無終山卽帛仲理所合神丹處也又於是山作金五千斤以救百姓山有陽翁伯玉田在縣西北有陽公壇社卽陽公之故居也搜神記曰雍伯雒陽人至性篤孝父母終沒葬之於無終山山高八十里而上無

水經注箋

卷十四

水雍伯置飲焉有人就飲與石一斗令種之玉生其田北平徐氏有女雍伯求之要以白璧一雙媒者致命伯至玉田求得五雙徐氏妻之遂卽嫁焉

孫云嫁疑作家蓋娶徐女卽家于此

陽氏譜叙言翁伯是周景王之

孫食采陽樊春秋之末爰宅無終因陽樊而易氏

焉愛仁

宋本作人

博施天祚玉田其碑文云居于縣北

六十里翁同之山後路徙於西山之下陽公又遷焉而受玉田之賜情不好寶玉田自去今猶謂之為玉田陽于寶曰於種石處四角作大石柱各一丈中央一頃之地名曰玉田至今相傳云田玉當作

王之揭起于此矣而今不知所在同之譜敘自去
文矣藍水注之水出北山東屈而南流逕無終縣
故城東故城無終子國也春秋襄公十四年無終
子嘉父使孟樂如晉因魏絳納虎豹之皮請和諸
戎是也故燕地矣秦始皇二十二年滅燕置右北
平郡治此王莽之所謂北順也漢世李廣為郡出
遇伏石謂虎也射之飲羽即此處矣魏氏土地記
曰右北平城西北百三十里有無終城其水又南
入灑此下脫灑水又西南入于庚水地理志曰灑
水出俊靡縣南至無終東入庚一作庚水庚水世

水經注箋

卷十四

十三

四百七

亦謂之為柘水也南逕燕山上懸巖之側有石鼓
去地百餘丈望若數百石因有石梁貫之鼓之東
南有石疑脫援桴狀同擊勢者舊言燕山石鼓

鳴則土有兵庚水又南逕北平城西而南入鮑丘
水謂之柘口鮑丘水又東逕右北平郡故城南魏
氏土地記曰薊城東北三百里有右北平城鮑丘
水又東巨梁水注之水出土垠縣北陳宮山西南
流逕觀雞山謂之觀雞水水東有觀雞寺寺內有
大堂甚高廣可容千僧下悉結石為之上加塗暨

暨當作暨書梓材云若作室基內疎通枝經脉散

家既勤垣墉惟其塗暨茨

大風卷沙

基側室外。四出爨火。炎勢內流。一堂盡温。蓋以此

土寒嚴。霜氣肅猛。出家沙門。率皆貧薄。施主慮闕

道業。故崇斯構。是以志道者多栖託焉。其水又西

南流。又宋本合區落水。出縣北。山東南流入巨梁

水。巨梁水又西。逕土垠縣故城。西左會寒渡水。水

出縣東北。西南流至縣右。注梁河。梁河又南。澗于

水。注之水。出東北。山西南流。逕土垠縣故城。東西

南流入巨梁水。又東南。右合五里水。水發北平城

東北五里山。故世以五里名。溝一名田。繼泉西流

南。屈逕北平城。東東南流。注巨梁河。亂流入于鮑

水經注箋

卷十四

十四

丘水。巨梁自是水之南極。虜池當作西至泉州。雍

奴東極於海。謂之雍奴。藪其澤野有九十九澱。校

流條右校流條右當往往逕通非唯脫一河鮑丘

歸海者也

濡水從塞外來。東南過遼。西令支縣北

濡水出禦夷鎮。東南其水二源。雙引夾山。西北流

出山。合成一川。又西北。逕禦夷故城。東鎮北。百四

十里。北流。左道則連泉水。注之。出故城。東西北流

逕故城南。又西北。逕淶水池。南其水淵而不流。其

水又西。屈而北流。又東。逕故城北。連結兩池。沼謂

通字

之連泉浦又東北注難河難河右則汗水入焉水
出東塢南西北流逕沙野南北人名之曰沙鎮東
北二百三十里西北入難河濡難聲相近狄俗語
譌耳濡水又北逕沙野西又北逕箕安山東屈而
東北流逕沙野北東北流逕林山北水北有池潭
而不流濡水又東北流逕孤山南東北流呂泉水
注之水出呂泉塢西東南流屈而東逕塢南東北
流三泉水注之其源三泉鴈次合爲一水鎮東北
四百里東南注呂泉水又東逕孤山北又
東北逆流水注之水出東南導泉西流右屈而東
水經注箋

卷十四

十五

三百九

北注木林山水會之水出山南東注逆水亂流東
北注濡河濡河又東盤泉入焉水自西北東南流
注濡河濡河又東南水流廻曲謂之曲河鎮東北
三百里又東出峽入安州界東南流逕漁陽白檀
縣故城地理志曰濡水出縣北蠻中漢景帝詔李
廣曰將軍其帥師東轅弭節白檀者也又東南流
右與要水合水出塞外三川並導謂之大要水也
東南流逕要陽縣故城東本都尉治王莽更之曰
要術矣要水又東南流逕白檀縣而東南流入于
濡濡水又東而南索頭水注之水北流南逕廣陽

倫郡西魏分右北平置今安州治又南流注于濡

水濡水又東南流武列水入焉其水由川宋本作三川

派合西源右為谿水亦曰西藏水東南流出谿與

蟠泉水合泉發州東十五里東流九十里東注西

藏水西藏水又西南流東藏水注之水出東谿一

曰東藏水西南流出谷與中藏水合水導中谿南

流出谷南注東藏水故曰其川曰三藏川水曰三

藏水東藏水又南右入西藏水亂流右會龍泉水

水出東山下淵深不測其水西南流注于三藏水

三藏水又西南流與龍芻水合而出于龍芻之谿

水經注箋

卷十四

東流入藏水又東南流逕列谿謂之武列水東南

歷石襜謝云襜一作挺下左層巒之上有孤石雲舉臨崖

危峻可高百餘仞牧守所逕命選練之士彎弧突

無能屆其崇標者其水東合流入濡濡水又東南

五渡水注之水北出安樂縣丁原山南流逕其縣

故城西本三會城也其水南入五渡塘於其川也

流紆曲溯涉者頻濟故川塘取名矣又南流注于

濡濡水又與高石水合水東出安樂縣東山西流

歷川宋本無川字三會城南西入五渡川下注濡水濡

水又東南逕盧龍塞塞道自無終縣東出渡濡水

向林蘭陁東至清陁盧龍之嶮峻坂縈折故有九

崢之名矣燕景昭元璽二年遣將軍步渾治盧龍

其道宋本作治盧龍塞其道其焚山刊石令通方

軌刻石嶺上以記事功其銘尚存而庾泉之宋本

之果注楊都賦言盧龍山在平罌城北殊為孟浪遠

失事實余按盧龍東越青堯家云青陁至凡城二

百許里自凡城東北出趣平罌故城可百八十里

向黃龍則五百里故陳壽魏志田疇引軍出盧龍

塞塹山堙谷五百餘里逕白檀歷平罌登白狼望

柳城平罌在盧龍東北遠矣而仲初言在南非也

水經注箋

卷十四

濡水又東南逕盧龍故城東漢建安十二年魏武

征蹋頓所築也濡水又南黃洛水注之水北出盧

龍山南流入于濡濡水又東南水又合焉水又舊曰

各宋本作水出盧龍塞西南流注濡水又合屈而

注得去潤水又會敖水二水並自盧龍西注濡水

又東南流逕令支縣故城東王莽之令氏亭也秦

始皇二十二年分燕置遼西郡令支縣焉宋本作

焉魏氏土地記曰肥如城西十里有濡水南流注

逕孤竹城西右合玄水也謂之小濡水非也水出

肥如東北玄溪西南流逕其縣東東屈南轉西迴

庚辰注為果

逕肥如縣故城南俗又謂肥如水非也故城肥子國應劭曰晉滅肥肥子奔燕燕封於此故曰肥如也漢高帝六年封蔡寅爲侯國西南流右合盧水水出縣東北沮溪南流謂之大沮水又南左合陽樂水水出東北陽樂縣地理風俗記曰陽樂故燕也遼西郡治秦始皇二十二年置魏氏土地記曰海陽城西南有陽樂城其水又西南入于沮水謂之陽口沮水又西南小沮水注之水發冷溪世謂之冷池又南得溫泉水口注之出東北溫溪自溪西南流入于小沮水小沮水又南流與大沮水合

水經注箋

卷十四

而爲盧水也桑欽說盧子之書言晉既滅肥遷其族於盧水盧水有二渠號小沮大沮合而入于玄

脫一水字盧水又南與溫水合水出肥如城北西流注

于玄水地理志曰盧水又南入玄水玄水又西南

逕孤竹城北西入濡水故地理志曰玄水東入濡

蓋自東而注也地理志曰令支有孤竹故城孤竹

國也史記曰孤竹君之二子伯夷叔齊讓國於此

而餓死于首陽漢靈帝時遼西太守廉翻夢人謂

已曰余孤竹君之子伯夷之弟遼海漂吾棺榔聞

君仁善願見藏覆明日視之水上有浮棺矣宋本

作史

葉基奎

輕湍澹下分石飛懸又上水黑白層不流白奴

匪直蒲筍是豐實六偏饒菱藕或單舟採菱或蓋

柳折菱上九

又東福孫水注
馬卷十二の

周達

引之別長津委注過之別微川輜流水德合和處通在

我卷十二

晨鳧夕雁泛臨其上黛甲素鱗潛躍其下俯仰池潭竟
浮魚鳥卷十二

騰雲冠峯高霞翼嶽岫聲沖

深含烟罩霧 卷十一五

小尔雅云二丈為兩倍兩為匹是又為一匹

也又八

秀鄣兮霄層崖刺天 又千高峯浣天又深溪培谷

岫章高深霞峯隱白水澄明淵無濬甲 又十

弱柳蔭街絲楊披浦 卷十三

重巖聳嶽霞峯雲高 卷十三

郡人王次仲少有異志年及弱冠寔倉穀文為令隸 卷十三

曉禽暮歎穿唱相和考而一粟無附枝夢秀兩以 又十

昔田子春避罪所象至五千家又十一不所木生火 又十一

廣韻夢孤竹君 又十一

噴笑者皆無疾而死於是改葬之晉書地道志曰
遼西人見遼水有浮棺欲破之語曰我孤竹君也
汝破我何為因為立祠焉祠在山上城在山側肥
如縣南十二里水之會也

又東南過海陽縣西南入于海

濡水自孤竹城東南逕主鄉北瓠溝水注之出城
東南東流注濡水濡水又逕牧城南分為二水北
水枝出世謂之小濡水也東逕樂安亭北東南入
海濡水東南流逕樂安亭南東與新河故瀆合自
雍奴縣承鮑丘水東出謂之鹽關口魏太祖征蹋

水經注箋

卷十四

十九

三百六

頓與洵口俱導也世謂新河矣陳壽魏志以通河

海也

魏志曹公將征遼西單于擊金渠自呼沱入派
水名平虜渠又從洵河口鑿入路河名泉

渠以通海新河又東北絕庾水又東北出逕右北平絕

洵渠之水又東北逕昌城縣故城北

至宋本作
故俱疑衍

王莽之淑武也新河又東為二水枝瀆東南入海

新河自枝

宋本作
作枝

渠東出合封大水謂之交流合水

出新平縣西南流逕新平縣故城西地理志遼西
之屬縣也又東南流龍鮮水注之水出縣西北世
謂之馬頭山二源俱導南合一川東流注大水地
理志曰龍鮮水東入封大水者也亂流南會新河

南流于海地理志曰封大水於海陽縣南入海新
河又東出海陽縣與緩靈水會水出新平縣東北
世謂之大籠山東南流逕令支城西西南流與新
河合南流于海地理志曰緩靈水與封大水皆南
入海新河又東與素河會謂之白水口出令支縣
之藍山南合新河又東南入海新河又東至九過
口枝分南注海新河又東逕海陽縣故城南漢高
祖六年封搖母餘為侯國魏土地記曰令支城南
六十里有海陽城者也新河又東與清水會水出
海陽縣東南流逕海陽城東又南合新河又南流

水經注箋

卷十四

二十

一十許里西入九過

一作過

注海新河東絕清水又

東木究水出焉南入海新河又東左迤為孔陽孤

淀名

宋本無名字

右絕新河南海注

當作注海

新河又東會

于濡濡水又東南至繁縣碣石山文穎曰碣石在

遼西繁縣王莽之選武也繁縣并屬臨渝王莽更

臨渝為憑德地理志曰大碣石山在右北平驪成

縣西南王莽改曰碣石也漢武帝亦嘗登之以望

巨海而勒其石於此今枕海有石如壩

宋本道數作壩

道數

十里當山頂有大石如柱形往往而見立於巨海

之中潮水大至及潮波退不動不沒不知深淺世

名之天橋柱也。狀若人造，要亦非人力所就。韋昭亦指此以爲碣石也。三齊畧記曰：始皇於海中作石橋，海神爲之，豎柱。始皇求爲爲當相見，神曰：我形醜，莫圖我形。當與帝相見，乃入海四十里見海神。左右莫動，手工入潛以脚畫其狀。神怒曰：帝負約速去。始皇轉馬還前，脚猶立。後脚隨崩，僅得登岸。畫者溺死於海。衆山之石皆傾注。今猶岌岌東趣，疑卽是也。濡水於此南入海而不逕海陽縣西也。蓋經誤證耳。又按管子齊桓公二十年征孤竹，來至卑耳之谿，十里闐然止，矐然視，援弓將射。

水經注箋

卷十四

而未發

管子作未至卑耳之谿十里闐然止矐然視援弓將射

謂左右曰見

前乎左右對曰不見。公曰：寡人見長尺而人物具焉。寇右祛衣走馬前，豈有人若此乎？管仲對曰：臣

聞豈山之神有偷兒，長尺人物具。

管子作登山之神有偷兒者長尺而人物具焉

導也。祛衣示前有水，右祛衣示從右方涉也。至卑耳之谿，有贊水者從左方涉，其深及寇右方涉，其

深至膝已涉陸。古本作大濟桓公拜曰：仲父之聖，此

作仲父之聖至此

寡人之私罪也。父矣。

管子作寡人之今抵罪也父矣

自孤竹南出則巨海矣，而滄海之中山望多矣。然

卑耳之川若贊溪者亦不知所在也昔在漢世海水波襄吞食地廣當同碣石苞淪洪波也

大遼水出塞外衛白平山東南入塞過遼東襄平縣

西 埠按西字當是經文 舊本作注誤今改正

西 此西字當是經文宜刪之 遼水亦言出砭石山自塞外東流

直遼東之望平縣西王莽之長說也屈而西南流

逕襄平縣故城西秦始皇二十二年滅燕置遼東

郡治此漢高帝八年封紀通為侯國王莽之昌平

也故平州治又東逕 舊本無又東逕三字吳本增之 遼隧縣故城

西王莽更名之曰順陸也公孫淵遣將軍畢衍拒

水經注箋 卷十四

司馬懿於遼隧即是處也遼水又南歷縣有小遼

水其流注之也

又東南過房縣西

地理志曰房故遼東之屬縣遼水又右會白狼水

水出右北平白狼縣東南 謝云南下當有逕字 廣成縣北流

西北屈逕廣成縣故城南王莽之平虜也俗謂之

廣都城又西北石城川水注之水出西南石城山

東流逕石城縣故城南地理志曰右北平有石城

縣北屈逕白鹿山西即白狼山也魏書國志曰遼

西單于蹋頓尤強為袁氏所厚故袁尚歸之數入

從肥源山
也古亦名
前博物志
卷七

為害公出盧龍塹山堙谷五百餘里未至柳城二

百里尚與蹋頓將數萬騎逆戰公登白狼山望柳

城卒與虜遇乘其不整縱兵擊之虜眾大崩斬蹋

頓胡漢降者二十萬口英雄記曰曹操於是繫當

擊擊馬鞍於馬山古本作十片即於此也博物志曰

魏武於馬上使格之殺傷其眾王乃統宋本率常

從健兒數百人擊之獅子哮呼奮越左右咸驚王

忽見一物從林中出如狸超上王車輓上獅子將

至此獸便跳上獅子頭上獅子即伏不敢起於是

遂殺之得獅子而還未至洛陽四十里洛陽雞狗

水經注箋

卷十四

二十三

四百〇三

皆無鳴吠者也其水又東北入廣成縣東注白狼

水白狼水北逕白狼縣城東王莽更名伏狄白狼

水又古本作入東方城川水注之水發川西南山下流

北屈逕一故城西世謂之雀目城東屈逕方城北

東入白狼水白狼水又東北逕昌黎縣故城西地

理志曰交黎也東部都尉治王莽之禽虜也應劭

曰今昌黎也高平川水注之水出西北平川東流

逕倭城北蓋委也人從之埤云蓋委以下又東南

逕乳樓城北蓋逕戎鄉邑兼夷稱之又東南注白

狼水白狼水又東北自魯水注之導西北遠山東

南注白狼水白狼水又東北逕龍山西燕慕容晷

克家云晷別本作甄

以柳城之北龍山之南福地也使陽裕

築龍城改柳城為龍城縣十二年黑龍白龍見於

龍山晷親觀龍去二百步祭以太牢二龍交首嬉

翔解角而去晷悅大赦號新宮曰和龍宮立龍翔

祠于山上白狼水又北逕黃龍城東十三州志曰

遼東屬國都尉治昌黎道有黃龍亭者也魏營州

刺史治魏氏土地記曰黃龍城西南有白狼河東

北流附城東北下即是也又東北濫真水出西北

塞外東南歷重山東南入白狼水白狼水又東北

水經注箋

卷十四

出東流為二水右水疑即渝水也地理志曰渝水

首受白狼水西南巡山逕一故城以為河連城疑

是臨渝縣之故城王莽曰憑德者矣渝水南流東

屈與一水會世名之曰榼倫水蓋戎方之變名耳

疑即地理

當脫一志字

所謂侯水北入渝者也十三州

志曰侯水南入渝地理志言蓋自北而南也又西

南流注于渝渝水又東南逕一故城東俗曰女羅

城又南逕營丘城西營丘在齊而名之於遼燕之

間者蓋燕齊遼迴

宋本作遠舊本作迴

僑分所在其水東南

入海地理志曰渝水自塞南入海一水東北出塞

為白狼水又東南流至房縣至當作于遼魏氏七

地記曰疑脫一白字狼水下入遼也

又東過安市縣西南入于海

十三州志大遼水自塞西南至安市入于海

又玄菟高句麗縣有遼山小遼水所出西南至遼隧

縣入于大遼水也

縣故高句麗相之國也漢武帝元封二年平右渠

置玄菟郡於此王莽之下句麗水出遼山西南流

逕遼陽縣與大渠水會孫云大渠水當作大梁水水出北塞外

西南流逕至遼水故地理志曰大梁水西南至遼

水經注箋

卷十四

陽入遼郡國志曰縣故屬遼東後入玄菟其水西

南流故謂之為梁水也小遼水又西南逕襄平縣

為淡淵晉永嘉三年涸小遼水又逕襄平縣入大

梁水司馬宣王之平遼東也斬公孫淵於斯水之

上也

沮水出樂浪鏤方縣東南過於臨沮縣東入于海

許慎云沮水出鏤方東入海一曰出沮水縣十三

州志曰沮水縣在樂浪東北鏤方縣在郡東蓋出

其縣而逕鏤方也謝云鏤方也之下昔燕人衛滿

自沮水而至朝鮮史記云漢興以朝鮮屬遼東外

宋本原缺十二字徵遠難守以沮水為界屬燕

王盧綰反入匈奴燕人衛滿亡命聚黨千餘人東
走出塞渡沮水屬秦故空地上下障稍役屬真番
朝鮮蠻夷及故燕齊亡命者王之都王險所服屬
方數千里傳于至孫右渠武帝遣楊僕荀彘出遼
東討右渠不能下朝鮮相參使人

殺右渠來降遂定朝鮮為四郡朝鮮故箕子國

也箕子教民以義田織信厚約以八法而下知禁
遂成禮俗戰國時蒲乃王之都王險城地方數千
里至其孫右渠漢武帝元封二年遣樓船將軍楊
僕左將軍荀彘討右渠破渠于沮水遂滅之若沮
水東流無渡沮之理其地今高句麗之國治余訪
蕃使言城在沮水之陽其水西流逕故樂浪朝鮮
縣卽樂浪郡治漢武帝置而西北流故地理志曰

水經注箋

卷十四

二十六

沮水西至增地縣入海又漢興以朝鮮為遠循遼
東故塞至沮水為界考之今古於事差謬蓋經誤
證也

此卷既注六身

戊午嘉平二十一日又讀